

庾開府全集

庾子山集總目

序

題辭

年譜

世系圖

本傳

滕王序

目錄

第一卷 賦

第二卷 賦

第三卷 詩

第四卷 詩

第五卷 樂府

第六卷 詩

第七卷 表

第八卷 詩

第九卷 雜

第十卷 讀

第十一卷 浮教傳文

第十二卷 銘

第十三卷 碑

第十四卷 碑

第十五卷 誌銘

第十六卷 誌銘

總釋

張天如先生原序

婁東張溥題

周滕王道序庾開府集云子山妙擅文詞尤工詩賦
誅潘安而碑蔡邕箴楊雄而書阮籍也稱重至矣庾
氏家世南陽聲譽獨步子山父子出入禁闥爲梁文
人雀航之戰倒徒先奔違才易務任非其器後羈長
安臣于宇文陳帝通好請還終留不遣雖周宗好士
滕趙賞音築宮虛館交齊布素而南冠西河旅人發
嘆鄉關之思僅寄於哀江南一賦其視徐孝穆得返
舊都奚啻李都尉之望蘇屬國哉子山在梁每一文
出京師傳誦初使北方人頗輕之讀枯樹賦始知敬
重盛名易地橋枳改觀難爲淺見寡聞者道也史評
庾詩綺豔杜工部又稱其清新老成此六字者詩家
難兼子山備之玉臺瓊樓未易幾及文與孝穆敵體
辭生於情氣餘於彩乃其獨優令狐譔史詆爲淫放
輕險詞賦罪人夫唐人文章去徐庾最近窮形寫態
模範是出而敢於毀侮殆將諱所自來先縱尋斧歟

注釋庾集題辭

倪璠

庾子山咀嚼英華獻飫膏澤上自天監下迄開皇江表一文爭相傳誦咸陽洪筆多出其辭誠藝苑之山嶽詞林之淵府也自滕道撰集於新野魏澹闡注於房陵道之所撰自魏及周著述裁二十卷其南朝舊作蓋闕如也及隋文帝平陳所得逸文增多一卷故隋書經籍志稱集二十一卷其所摭拾者大抵揚都十四卷之遺也澹字彥深鉅鹿下曲陽人稱爲著姓世以文學自業專精好學博涉經史善屬文詞采瞻逸爲太子舍人廢太子勇深禮遇之令注庾信集世稱其博物隋史列傳具載其事舊唐書志有集二十卷與本傳合要稱其滕王所撰也庾集在於周隋有此二本矣今其書並已不傳世之所謂庾開府集本宋太宗諸臣所輯分類鳩聚後人抄撰成書故其中多不詮次取而注之文集凡十有六卷并釋其序傳撰年譜世系圖二篇有所脫漏在於末卷總釋設聞陋識敢云燕石之瑜摘句尋章自哂貂尾之續舉其大略附之篇首云爾

子山精敏博極羣書史傳贊言尤雋左氏觀其序出師之名則靈鈺金僕稱光亂之子則蠶目狼心星紀庚辰以志亡滅之期紀侯鄆子以記出奔之狀車結覆而馬旋潭甲裳去而餘皇棄包胥依牆於七日辛有感祭於百年他如走羣望則實沈臺駘致大漸而黃熊赤鳥季氏亡則魯不昌子雅喪而姜族弱組織

傳文庾爲甲矣自非橫一卷於長頭數平生之極癖

何以得此若夫易禮分王鄭之學尙書別今古之文雖家本江南而學遵河北至於九流七略海上名山遊仙步虛則朝浮紫氣麥崖經藏則夜落常星莫不言若泉湧思如飈發此又玉振金聲大成之集也

九辯九歌盪蕩於戰國二都二京浴日於漢朝先之以賈馬王楊申之以曹王顏謝文體亦數變矣至若鄼元之注水經楊銓之志伽藍江表似覺遜之夫南朝綺豔或尙虛無之宗北地根株不祖浮靡之習若子山可謂窮南北之勝稱其文詞則安仁伯喈論其銓敘則令升承祚而今人厭薄此體以難於敘事是謂筆筆對仗守一而不變者也子山之文雖是駢體間多散行譬如鍾王楷法雖非八體六文而意態之間便已橫生古趣唐之王後盧前直如虞褚諸家駱賓王差與李嶠等則顏魯公耳至若中晚之單薄宋元之鄙俚漸類墨猪殆又降而益下者與

子山北地羈臣南朝才子若令早還梁使依然英蘭之名不伐江陵永仕中興之國遇合乃所願焉文章幾云進矣所以屈原宋玉意本牢愁蘇武李陵情由哀怨哀江南一篇可以知其工矣王司空贈周汝南書感此別離顏大夫著觀我生賦稱其清致史亦並載其文若此賦則又吳蜀在前而子山之爲魏國先生也其指南梁則以楚事爲辭言西魏多以秦人爲喻念護軍而悲濟陽憤正德而詈申子有尙書之多

算而事異臥牆有司徒之勤王而身悲逐獵搜神記之五郡兄弟梁家實有其班孝子傳之三州父子南國適符其數喻王琳於陶侃安用借資比鴉仁於顧榮空循僞迹畢昇牛斗原失計於武皇神華龍荒慨無謀於元帝齊秦交患晉鄭焉依陳人帝而鳳飛岳陽附而天醉石頭去矣建業何路可歸鶉首剪諸江陵無家可寄擬招蒐之作蒐兮歸來狀七哀之詩哀可知矣

哀江南賦序稱不無危苦之詞惟以悲哀爲主予謂子山入關而後其文篇篇有哀悽怨之流不獨此賦而已若夫枯樹銜悲殷仲文婆娑於庭樹邛竹寓憤桓宣武贈禮於楚丘小園豈是樂志之篇傷心非爲弱子所賦咏懷之二十七首楚囚若操其琴連珠之四十四章漢將自循其髮吳明徹乃東陵之故侯蕭世怡亦思歸之王子永豐和言志之作武昌思食其魚觀寧發思舊之銘山陽悽聞其笛何僕射還宅懷故周尚書連句重別張侍中藏舟終去並爾述懷元淮南寶鼎方歸猶慙全節曾叨右衛猶是故時將軍已築仁威尚贈南朝處士徐孝穆平生舊友一見長辭王子珩故國忠臣千行下淚凡百君子莫不哀其遇而憫其志焉若夫三春七夕之章蕩子鴛鴦之賦燈前可出麗人鏡中惟有好面此當時宮體之文而非仕周之所爲作也西魏所國本是秦都南梁之伐釁由安定彼旣變魏

作周此乃遷南事北終年羈旅榮期豈謂樂茲匿怨而臣丘明自然恥此而乃形諸毫翰託擬風騷如擬咏懷二十七首有云惜無萬金產東求倉海君又云移住華陰下終爲關外人其悲憤皆此類也昔謝靈運作詩有云韓亡子房奮秦帝魯連取當時稱其異志是以名士少有自全文章之禍最酷周之世宗高祖滕王趙王才藻所擅旣已並麗淵雲披覽之餘豈其獨昏菽麥明時不諱其在此與原其築宮虛館有足稱已

江南競寫曾與徐陵齊名河北程才獨有王褒並埒然而青衿初學同時子服之班白首無徒且結桓譚之好徐旣未可齊驅王亦安能並駕是以寫片石於溫子餘則無人類一語於吳筠終須削札專標庾氏百世無匹者也

乞靈假寵無非操我戈矛異議高談倏爾縱其尋斧文中以爲其文夸誕令狐謂之詞賦罪人彼旣未許肩隨而乃騁其臆說若夫非劉勰而文心非鍾嶸而詩評品藻之說人稱屢中躋駁之論予曰未可

輿圖所載在天有星辰分野在地有山水陰陽禹貢夏書職方周氏班考地理彪志郡國自此南遊五馬北據黃龍地形自爾剖分州郡率多僑置大抵前承漢魏後歷隋唐以是循求差足彷彿自茲而降多不雅馴若夫山河屢異陵谷幾遷雖使豎亥尋山夸父逐日今之所遊或非古處笨伯之談爭相標榜以爲

古人某地卽今某處驗諸前典正復不然是猶登華嶽者望蓬瀛以爲途適於越者指沙漠而爲路求其合也不亦遠乎有如稟嵩華之玉石潤河洛之波瀾此時尙住鄴陵居負洛而重世邑臨河而宴安然後遷居新野天關地軸以轉其神華沙起柱飛以志其遷徙刺梁益則漢武求仙郡漢中而劉封失策序其往古之跡也趙王鎮蜀則延閣叢臺齊王平鄴則石閭玉鼓稱其前後所歷也馮翊涼州俱有伏龍崑崙霍山各分天柱言鄂坂而南北異途並遂城而燕韓易地命赤山之泰岱或借天孫比太壹於金陵同稱地肺玉帳明月倡自簡文之作而知其必在江南虎踞龍盤本出張勃之書而或者妄稱蜀志又如張遼赤壁葛誕九都則疑似之間也目廣漢爲長松指睢陽於宋國則今古之別也豫章統以歷陵而稱歷陵之本淖沱在於安平而號安平之河凡此實費搜求敢云翔實乎

禮記生而命名史傳兼稱小字中朝名宿荀子阿奴南國詞人范曄謝客是以昔時王子比之今我蘭成正如此日司徒對以當年狐偃若使連名引古點鬼之簿何爲別體稱今小名之錄已志他如柳名申子青州似彼齊奴立字荀娘文園亦稱犬子復有氏彼邑居尊之茅土張封壯武羊邑南城征南鎮北之名護軍尙書之號無非因事推詳本是隨文稱述

賦詩雖取斷章然一句而未盡一篇之文春秋謂之

書策有季年而事循元年之例總以觸物而興不必類集一處有如言無鐘者非爲襲莒稱襲莒者不說無鐘師興而兩非是圍原三日原降何曾遇兩空尋無射之書輒廢請兩之錄略言其一餘足見矣古人惟取博通後人止尙標竊蚩鄙之習罄竹難書蓋類書盛行於唐宋而非庾氏之所爲學也

郊丘本殊裕祫自別昊天之下又有五天而更祀其感生之天四廟之上特立太廟而別立以二祧之廟此周制也宇文氏入關以後尙闕樂聲平荆以還大獲梁器太祖始行周禮武帝初造山雲制作議於盧辯諸人文章出於庾信之手蓋當時上遵鄭氏河北之學徐遵明之遺訓也若夫七世之說本是王肅之改稱九廟之制亦自劉歆之詔說嘗案古文尙書如左傳所載杜氏稱逸書者真古文也餘皆諸子之學呂氏春秋云商書曰五世之廟可以觀怪萬夫之長可以生謀高誘曰逸書喻山山水水大生大物廟者鬼神之所在五世久遠故於其廟觀物之怪異也按逸書如此自漢以後皆習今文尙書孔安國所注古文遭巫蠱不傳肅黨託言出自皇甫謐家改易此文以資難鄭若果七世觀德咸陽市門千金其兩致乎肅之妄也若夫三廟不毀與四親廟而七惟周始有其數漢武喜功實爲流毒博而篤矣予師韋公劉歆取殯葬之期以應廟數豈云得禮王肅本此諛言遂謂高祖之父高祖之祖共七廟而九歆惟滋一時之議

肅則亂萬世之經後周憲章其功大矣六卷之文或載辯於弁首或附議於篇末無非本諸經疏未敢肆其筆端者也

魏釐之冢舊闕殘編魯恭之壁間多爛簡其或字本舊遺義存原闕至有虛虎三書魯魚一變或音同而字異或半類而全非如二王二郗三清四說謝中郎譏佞佛佞道本是二何舍利弗爲大事因緣殷勤三請乃有訛爲二王之音易以三清之字胡組而書故組任咸而誤任延廣漢流渥豈云廣莫之都枝江有碑不混板楯之弩雖還原字仍定正文其或疑不能判並皆抄內以備異聞若乃紕繆顯然亦必矯正以懲其誤至於一事所出諸書並載或此詳而彼略或先源而後委要欲處處見之非關重複也又有一姓雙名兩人同地京兆有邊鳳繼踵或者卽是子韶塞庫本王季所囚此鄉亦留箕子今雖無考古或有書諸所擬詞愧云篤論卽如蔚宗作書之始兩漢自有諸家唐皇稱制以前二晉各有數本先後既多異同彼此互分詳略書之不傳亦有命也予嘗於十七史之外欲遍勒諸史別部荀悅袁宏以下惜未盡得其本望中郎之盡與是所愧心假石瓊於鄰人庶幾免矣

秦儒出谷金鏡又以數亡漢簡吹灰珠囊幾經重理考藝文於漢志或有未識其名驗經籍於隋書焉能盡存其本况復東宮抄撰麟趾校書俊邁絕倫羣書

博覽求之當世未窺半豹之斑豈有後人翻識全牛之體百川皆到非容測蠡而知五技易窮不過滿腹而止諸所闕疑自安疎陋者也

大同九年 癸亥

刺史韋粲等並帥軍入援推柳仲禮爲大都督卽賦申子是信時年三十六歲賦云信年始二毛卽逢喪亂是遇亂之年三十有六也本傳時爲東宮學士領建康令侯景作亂簡文命

冬十月辛未帝位於陳廢受命帝尊號江陵王改爲永定元年先是陳有賊之後將育於禁輸
其十月帝爲太子又云用無賴之子弟聚江陵而全義陳元年先是陳有賊之後將育於禁輸
所可歸陳連求云爲江陳無賴之可歸白雁地者定無家可寄雖惟何元氣
陳之志於是歲周閔帝元年及九月屬吳宰王文體訪閔帝而秦明帝又爲明帝元年

冬十月辛未帝遜位於陳陳受命帝弟爲江陰王改爲永定元年顧云有鶴之後補帝於妻輸
 我所歸處遂爲王云角江云用無賴之子弟率江東而全義陳陳先也據建康既非梁有信迹無
 陳之志矣是歲周閔帝元年及九月周駁宰宇文護將閔帝而奉明帝又爲明帝元年

庚戌寅寅武帝初立其制未定也 景子大射於正
武殿遇百官各有差 二月于姚陽置姚州 甲午朔日於東郊 按是年辛巳屬丙辰正
歲在昭陽蓋辛年也 三月三日華林園屬射殿在夏年無無支周史不載殿以諱故武帝時始
惟是年辛巳及天和四年辛卯有兩辛年 是年武帝初立正月大射於正武殿是月景寅改入
丁丑爲十二丁兵神方示武之月華林園射殿在是年者蓋是歲或然文也 五月景午封蓋王
實爲魯公 晉公擇擇武王以殿中 有海晉陵公通王惟仲升升王義 五月景午封蓋王

保定二年 壬午

保定三年 癸未

保定四年 甲申

保定五年 乙酉

天和元年 丙戌

庾子山年譜

天和二年 丁亥

天和三年 戊子

天和四年 己丑

天和五年 庚寅

天和六年 辛卯

—

壬辰

癸巳

甲午

乙未

丙申

丁酉

戊戌

實錄

己亥

按廢王璵序歲在癸卯封臺子衍爲魯王戊午立魯王衍爲臺太子二月辛巳傳位臺臺太子衍改元大成

大象二年 庚子

兩至咸陽宮太極殿中書省有真跡應歸時同類大末初刻和訖王嘉樹和李嗣真等皆稱自
四至咸陽宮太極殿中書省有真跡應歸時同類大末初刻和訖王嘉樹和李嗣真等皆稱自
開帝二年保定三年建隆元年二年並育一宋宣帝廢縣詔陞國公楊堅入侍丁未出趙陳代後五王一朝
年所作致微錦萬 五下 宋宣帝廢縣詔陞國公楊堅入侍丁未出趙陳代後五王一朝
已西帝麟德是以博陵公監之漢轉政七於長安至十月十九日京兆尹王招以謀
執執政麟德是月二十七日京兆尹王招以謀
月丁卯封上柱高麗王辛酉改舊國公移柩州旋安湯公柩外都二節置毛州 昌黎郡
魏州 九月甲申并濟州晉六新述會合及盧州督內權威六州並諸州州諸府 壬子序
公楊堅為大丞相尋升大冢室五府碑於天官 十一月十日景竟州刺史廣成公鄭常楚南
賜姓文之集中有宇文公家道遺又著鄭常墓誌銘 十二月甲子大丞相陞國公楊堅進爵

錄王通以說教被殺錄

錄王以十郡爲國 丁未

靜帝

周書本紀曰帝行後改爲國宣帝長子也大象元年正月封晉王立爲皇太子二月宣帝於鄴宮傳位後命居正陽宮二年宣帝崩帝人居天臺殿正陽宮大定元年二月禪位於隋五月壬申崩於

大定元年 辛丑

隋開皇元年

正月壬午改大梁三年爲大梁元年 二月庚申隋王楊堅爲相而總自豫備九錄之禮甲子
隋王楊堅稱皇帝號爲開皇元年按北史隋開皇元年庚申卒蔣王序已亥爲六十七歲知子
山辛時年六十九歲也又據辛歲碑文開皇元年七月某
日反蕞河州破餘皆出信手山子之說當在秋冬矣

璠按庾子山以梁武帝天監十二年癸巳某月日生
大通元年丁未十有五歲侍梁東宮講讀起家湘東
王國常侍轉安南府參軍中大通三年辛亥年十九
歲晉安王爲皇太子與父肩吾及東海徐摛摛子陵
竝爲抄撰學士宮中號徐庾體大同六年壬戌三十
歲爲郢州別駕時安城郡人劉敬躬反信與湘東王
論中流水戰事深爲武帝所賞遂擒敬躬斬之都市

庚子山年譜

大同十一年乙丑三十三歲爲通直散騎常侍與徐君房聘于東魏中大同元年丙寅三十四歲爲東宮學士領建康令太清二年戊辰年三十有六遇侯景之亂簡文帝命以本官率宮中文武千人營朱雀航北景至以衆先退遂爾西奔至大寶三年辛未三十九歲夏四月途遇侯景襲郢之兵潛跡江夏景退至郢州時刺史蕭韶昔爲幼童與信有斷袖之歡信至接信甚薄是年秋奔江陵元帝承制除御史中丞遂遭父喪時年四十承聖元年壬申四十一歲轉右衛將軍襲爵武康縣侯加散騎常侍承聖三年甲戌四十二歲聘于西魏屬大軍南討遂留長安是年魏師來伐岳陽王率衆會之江陵陷魏人戕帝立蕭譽爲梁王都江陵獻俘長安信爲魏相安定公所知其老幼入關特蒙禮送由是烝烝色養矣卽以是年仕魏拜持節撫軍將軍右金紫光祿大夫都督尋進車騎大將軍儀同三司敬帝太平元年魏恭帝之三年也魏禪周二年梁亦禪陳於是陳氏王江表矣周孝閔帝踐阼時年四十有五封臨清縣子邑五百戶除司水下大夫出爲弘農守遷驃騎大將軍開府儀同三司司憲中大夫進爵義城縣侯周閔帝卽世明帝立帝好文學深加優禮武成二年四十七歲與王褒庾季才等並爲麟趾學士得預校書俄拜洛州刺史明帝崩武帝立亦復好之如明帝焉建德四年陳之太監七年也南北通好陳氏乃請王褒及信十數人高

祖惟放王克殷不害等信及褒竝惜而不遣時年已六十四矣建德六年猶治洛州尋徵爲司宗中大夫宣帝大象元年己亥六十七歲以疾去職是年滕王道撰集二十卷靜帝大定元年卽隋開皇元年辛丑六十有九卒自梁武帝天監十二年至隋開皇元年凡六十九年謹纂年譜四十五歲敬帝太平二年以上梁未亡時皆取南朝正朔每年附錄東西二魏及岳陽西附江陵立故主之仇陳氏南遷建鄴蹈讓王之轍子山旣餐周粟此二十三年用後周年號末附梁陳二主猶魏志也信仕周位望通顯凡歷二十八年以壽終信事母以孝聞惟丁母憂未詳何年其孝情毀至曾爲晉公所嘆當在護誅之前建德以上事也餘備列年譜南北二史凡于子山集中有相發明者亦兼及之昔漢有二帝魏稱三祖求之異代且曰才難信在江南則有梁武帝二子簡文元帝及過江北則有周太祖二子世宗高祖竝新情艷發雅辭雲委又得滕趙諸王周旋款至皆一時之俊君臣酬唱之際文人遇合可謂至矣

庾氏世系圖

錢唐倪璠魯玉編

庾滔
南陽新野人從晉元帝過江官至散騎常侍領大著作封侯南陽人從晉元帝過江官至散騎常侍領大著作封侯南陽人從晉元帝過江官至散騎常侍領大著作封侯
某未某攻
及北史藝文傳滔於信與季才皆八世祖也

於陵
字子介除鴻卿領州大中正文集十卷

道驥
安西易士

黔婁
字子貞在梁書學行傳

肩吾
字慎之一曰王慎樂數騎常侍中書令

信
本傳載後

璠曰昔者掌庾命氏在于唐時鄢陵著姓盛于晉代入南陽取樊氏之陂遷江陵居宋玉之宅遂昌而下載在史籍可得稱焉若夫上行先生既與徵士齊名子山入關已後又與叔奕並校書麟趾於滔凡歷八世兩人祖孫行跡略同矣黔婁兄弟清節文章孝友肩吾瓊文特爲於陵友愛又有良子文藝自過此小庾風流所以跨踰南北者也

